

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Chief Minister Pu Lalduhoma'n vawiin khan Sial vulhtute ni vawi 3na leh Muanna khawpui din tur lawmna Thenzawlah a hmanpui.
- 2. Kumin chhunga state chhungaruihhlo do beihpui thlakna tur, 'Operation Against Trafficking and Use of Drugs and Narcotics' chu vawiin khan Home Minister Pu K Sapdangan a hawng.
- 3. Prime Minister Narendra Modia chuan firfiakte do kawnga hmai hnih nei chu pawm theih anih loh thu a sawi
- 4. Afghanistan-a Kunar province-a magnitude 6 a naa lirnghing avangin mi 600 chuang an thi a, mi 1500 chuangin hliam an tuar.

<><><>

CM

Chief Minister Pu Lalduhoma'n vawiin khan Sial vulhtute ni vawi 3na leh Muanna khawpui din tur lawmna Thenzawlah a hmanpui a, he hun hi AH & Vety Minister Pu C. Lalsawivunga leh Arunachal Pradesh Agriculture & Allied Minister Pu Gabriel D. Wangsu te pawhin an hmanpui a ni.

Chief Minister chuan thusawiin, Sial vulh chu North East state mipui tam takte nunphung nen an inzawm tlat a, Mizo hnam nunah pawh dinhmun pawimawh tak luahtu, hausakna tehkhawng atana hman thin a ni a to. Vawiin thlengin chhungkaw tam takin eizawna pengah Sial vulh an la kalpui a, khaw 41 velah an uar zual a. Sial hlutna hi a tlahniam thei lo va, eizawna kawngah dinhmun pawimawh tak a chang zui zel a ti bawk.

Northeastern Council tanpuiin Mithun Multiplication Centre, Lungkawlh-ah a siam a ni a, Rashtriya Gokul Mission hmangin Mithun Breed Development & Conservation Centre, Thenzawl-ah an siam bawk tih tarlangin Agriculture & Allied Sector thawhchhuah zawng zawng zaa 23 vel chu AH & Vety lam atanga hmuh a ni a ti.

Chief Minister hian Chawhnu lamah Thenzawl jt VC hall a Muanna khawpui (Peace City) Thenzawla din tur lawmna a hmanpui nghal a ni. Kan corr report lo ngai thla ang.

*Thenzawl Thenzawl Jt VC huaihawta Peace City din tur lawmna Ink
hawm-ah thu sawiin Chief Minister Pu Lalduhoma Thenzawl Peace City chu
Aizawl State khawpui sawnna tur a ni lova, khawpui thar mi nuai 10 lenna tur, plan
City hmasa ber tur a ni a ti. Hei hian Serchhip pawh a zawm chho vek ang a, a bul
hnai khaw tê zawk pawh a khuh pha vek bawh dawn a. Tum khata mi nuai 10 awmtîr
nghalna tur ni lovin a tah tawla siam chhoh tur a ni a ti. Khawpui dinna tur hi PM
Narendra Modi a hmuh tum hnihna a a lo sawipui tawh anga plan siamna tur Rs
vbch 10 hmuh a nih thu leh a DPR siam tûr a dil khawvel huap Company rintlâk 20
vel an awm tawh thu a sawi bawh.*

<><><>

HOME MINISTER

Kumin September atanga December chhunga ruihhlo do beihpui thlakna tura sorkar ruahman, 'Operation Against Trafficking and Use of Drugs and Narcotics' chu wawiin khan Home Minister Pu K Sapdangan a hawng.

Home Minister chuan Operation-ah hian sawrkar leh tlawmngai pawl tangkawp chuan Myanmar ramri hnaih khaw hrang hrang leh a chhehvela ruihhlo luhka nia hriat hmun 22 vilin, ruihhlo tawlhruk dang chat turin hma an la dawn a ni.

(BYTE)

Home Minister chuan, khawpui, thingtlang leh ramriah boruak ralmuang siam an duh thu a sawi a; Myanmar atanga Mizorama ruihhlo lo luhna hmun nia hriat hmun 22-te hi sawrkar leh Central YMA hotuten an tlawh chhuah vek tawh a, ruihhlo dona atana thawktute mamawh leina tur leh an thâ tichak turin sawrkar chuan pawisa pawh a tul anga hman tur a ruahman a ti a ni.

Home Minister chuan ruihhlo do beihpui chu sorkar ringawt tih theih a nih loh thu leh tlawmngai pawlte tan pawh tlawmngaih chhuaha a thlawna tha senga tih sèn pawh a nih loh thu sawiin, sawrkar leh tlawmngai pawlte tangho erawh chuan kawro su takin hma an lak theih an beisei thu leh theihtawp an chhuah dawn thute a sawi.

He Operation atan hian Mizoram Police hnuaiah Special Squad mi 30 awmna din niin, he special squad member-te hi uluk taka thlan chhuahte an ni a, anni hian training tha tak an neih hnua hawiin atang hian an duty-na tur hmunah an duty tan ang a, khawtlang hruaitute leh YMA-te nen thawkhoin, ngawrh takin hma an la dawn a ni.

<><><>

HULHLIAP SHORT STAY

Sorkarin ruihhlo ngaite enkawl na a kalpui Hulhliap Short Stay Centre camp chhuak te thiamthil inzirna tur Hulhliap Training Centre chu Dawrpui Vengtharah Social Welfare, Women & Child Development minister Pi Lalrinpuin wawiin khan a hawng a,

Training turin mi 80 an inziak lut a, Discipleship Training Centre-a Pathian thu zir tur mi pali sponsor an ni dawn bawh.

Minister Pi Lalrinpuin chuan training turte chu tumruhna nei turin a fuih a; electrician leh fabricator-te chu mi tin mamawh an nih avangin thiam taka an zir

chuan eizawnna tling a nih thu leh Mizorama thil tharte processing leh packaging lama thawk tur mamawhna a awm reng thute a sawi a; training turte chu an hun tha bawhpelh lo tur leh hand holding policy hnuaiah pawh sawrkar chuan Hulhliap chhuakte a duhsak dawn thu a sawi.

Kan corr report lo ngaithla ang.

VC

Hulhliap Short Stay Centre Batch 1-naah khan mi 256 inziak lutin, mi 116-in a tawp an thleng a; batch 2-naah mi 544 inziak lutin, a tawp thlengin mi 248 an awm a. Batch 3-naah inziaklut mi 212 zinga 170 a tawp thleng an awm bawk. Training tur mi 80 hi Hulhliap batch 1 leh 2-a mite an ni a; assistant electrician zir tur mi 34, aluminium fabrication zir tur mi 28 leh food processing zir tur mi 18 an ni.

Hawwna inkhawmah hian Task Group on Aftercare, Skill, Training & Handholding, Hulhliap - SSC chairman Pu Malsawmzuala Ralte pawhin thu sawiin, training-a telte chu an thiam thil zir chhuahte chhungkaw chawmna tlaka thiam tum tlat turin a chah a ni.

<><><>

POL PARTY

ZPM General Headquarters consultant Pu C Chalsawithanga’n Assembly session-a pawm tâk Forest Conservation (Amendment) Act, 2023 chu opposition lamin House chhungah lungruul taka an pass pui laiin, House pawnah leh media hrang hrangah ruling party beih nan an hmang a ti.

Vawiina ZPM chhung inkhawm Aizawl-a an party office ah he thu hi sawiin Pu Chalsawithanga chuan, opposition-tn House pawn lamah ZPM sawrkar chu Article 371G thiat ta ang hialahte an puh thu leh pawl pakhat phei chuan Mizoram hralhna ang hialah an chhuah thu a sawi a; Forest Conservation (Amendment) Act, 2023 hnuaia Central Sawrkar-in International boundary/LOC/LAC atanga km 100 strategic linear project atana a duh hun huna a rawn hman theih tih kha State sawrkar ráwn lo chuan Central-in eng mah an tih loh tur thu leh ‘in principle approval’ leh ‘final approval’ pe tur pawha State sawrkar kaltlang vek tur a nih thu guideline-in a rawn sawi a, compensatory afforestation pek tur a nih thu a sawi bawk, a ti.

Hetihlai hian MNF Legislature Party secretary Pu R. Rohmingliana, MLA chuan Forest Conservation (Amendment) Act chu ZPM soekar chuan House-ah adopt tura hma an lo la ru daih tawh ani a ti a, resolution hmu tlai a Principal Act, Rule Amendment Copy-te anmahni an pek ve loh avangin, sawi ve vak theilo tura phuar ruk an ni a ti bawk.

Hnam Rûna MNF Party chhung inkhawmah thusawiin Forest (Conservation) Amendment Act, 2023 chu zirchhianna hun pawh awm loin August 26 zanah pek an nih avangin sawihona hun pawh an neih ve hman loh thu a sawi a; an aiawha

sawiten an dodal a, pass dawn pawn 'remti' an ti ve lo a, inrawnkhawmna hman an neih miah loh avangin chhuah erawh an chhuak tau hran lo a ti.

Pu Rohmingliana chuan, Chief Minister chuan thu dik lo a sawi nasa tih sawiin, bansan tawh se a duh thu a sawi a; Assembly Session liam ta a, MLA ten ni 15 hma daih tawha an zawhnate chhanna an dawn tlai chungchangah CM-in official-te a puh leh daih chu thil dik lo a nih thu leh, sawrkar inthlahdah leh nep vang liau liau anih thu a sawi.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM

Prime Minister Narendra Modia chuan firfiakte do kawnga hmai hnih nei chu pawm theih anih loh thu a sawi. Vawiina China-a Tianjin khawpuia SCO Summit ah he thu hi sawiin Pu Modia chuan firfiaka chetna chu mihringte tana harsatna lian tak anih thu sawiin firfiakte chet dan zawng zawng chu thil demawm anih thu a sawi a. Kum 40 kalta atangin India chuan firfiakte a do tawh tih a sawi a. Tunhnaia Pahalgam-a firfiakte chetna demtu leh India thlawptu ramte chuangah lawmthu a sawi a ni.

(Byte)

PM Modia hian vawiin vek khan Russia President Vladimir Putin kawmin ram pahnih inkara thawhdunna hrang hrang an sawidun . Hruaitu pahnihte hian Special and Privileged Strategic Partnership chu tihchak lehzual an remti a. Pu Modia chuan India leh Russia te thawhdunna chu khawvel remna leh muanna atan a pawimawh a ni a ti bawk.

<><><>

AFGHANISTAN EARTHQUAKE

Afghanistan-a Kunar province-a magnitude 6 a naa lirnghing avangin mi 600 chuang an thi a, mi 1500 chuangin hliam an tuar. US Geological Survey sawidanin lirnghing intanna hi Jalalabad atanga km 27 a hlaah a ni. External Affairs Minister Dr.S.Jaishankara chuan lirnghing avanga chhiatna thleng chu pawl atih thu a sawi a. India chuan Afghan mipuite tanpui tur leh chhamdawlina pe turin a inhawng reng tih a sawi.

<><><>